




QAQORTUP KOMMUNIA

IMMIKKOORTUMI PILERSAARUT E7-1

ILLOQARFIUP ILAATA EQQAAVEQARFITTUT, ATOQQITAS-SANIK SULLISSINERNUT AAMMA SULIFFEQARFINNUT IMMIKKUT MINGUTSITERISARTUNUT ATUGASSANNGORTIN-NEQARNISSAANUT PILERSAARUT



Allattoqarfik
April 1999

SIULEQUT

Immikkoortumi pilersaarusiaq sunaana?

Kommunimi pilersaaruserioriaatsit marluupput: Kommunimi pilersaaruseriat aamma immikkoortumi pilersaaruseriat. Pilersaaruserioriaatsit taakku marluk nunaminertanik atuisinnaaneq tamakkunanilu pilersaaruseriornerit pillugit Inatsisartut peqqussutaanni nr. 1-imi juunip 18-anni 1987-imeersumi inatsisitigut aalajangersagaapput. Immikkoortumi pilersaaruseriat suliarineqartarput nunaminertanik atuisinnaaneq tamakkunanilu pilersaaruseriornerit pillugit Namminersornerullutik Oqartussat nalunaarutaat nr. 23 novembarip 18-anni 1992-imeersoq naapertorlugu.

Taakkunani kommunimi pilersaarusiaq pingaarnertut tunngaviusarpoq immikkoortunili pilersaaruseriat piviusunngortitsivinnissamut tunngaviusarlutik. Kommunimi pilersaarusiaq immikkoortumi assigiinngitsuni qanoq atorneqarnissaanik aalajangersaaviusunik tamarmik immikkut allaaserisanik killiligaasarpoq.

Killiliussat pineqartut iluanni illuliassat sanaartugassallu annertuut pillugit kommunalbestyrelsi immikkoortumi pilersaaruseriorinissaminut pisinnaatitaallunilu pisussaataavaoq. Immikkoortumi pilersaarusiaq sulinissamut sakkussaavoq aammalu pisortat namminersortullu pio-reersunik siunissamilu atuinissaannut tamanut pituttuisuulluni najoqqutarineqartartussaavoq.

Tamanut saqqummiussinissamik aalajangersakkat

Inatsimmi aalajangersarneqarpoq immikkoortumi pilersaaruseriatut siunnersuutip akuersis-sutigineqavinnerata kinguinnguagut kommunalbestyrelsimit tamanut takusassanngorlugu *saqqummiunneqartassasoq*.

Siunnersuut innuttaasunit ajornanngitsumik takuneqarsinnaasunngorlugu *saqqummiusimane-qassaaq* sivikinnerpaamik sapaatit akunnerini arfinilinni.

Illoqarfiup immikkoortuanut E7-1-imit tunngatillugu kommunip allaffiani aamma illoqarfi-up atuakkanik atorniartarfiani saqqumisitsisoqassaaq 1999-imi februaarip 15-ianniit martsip 29-at ilangullugu.

Piffissami tamatumani innuttaasut immikkoortumi pilersaaruseriamut akerliliissutinik imaluun-niit allannguutissatut siunnersuutinik tunniussisarnissaminut periarfissaqarput. Innuttaasunit uparuaassuteqartoqanngilaq. Immikkoortumut pilersaarusiaq E7-1 apriliip 14-anni 1999-imi kommunalbestyrelsimit inaarutaasumik akuersissutigineqarpoq.

IMMIKKOORTUMI PILERSAARUT E7-1

Illoqarfiup ilaata eqqaaveqarfittut, atoqqitassanik sullissinermut aamma suliffeqarfinnut immikkut mingutsiterisartunut atugassanngortinneqar-nissaanut pilersaarut

IMAASA ALLATTORSIMAFFIAT

A. IMMIKKOORTUMI PILERSAARUSIAMUT NASSUIAAT

1.	Immikkoortumi pilersaarusiap siunertaa	1
2.	Siulequt tunuliaqutaalu	1
3.	Immikkoortumi pilersaarusiaq pilersaarusionerup sinneranut naleqqiullugu	1
4.	Immikkoortumi pilersaarusiap inatsisitigut sunniutigigallagai	2
5.	Immikkoortumi pilersaarusiap inatsisitigut sunniutai	2
6.	Immikkut akuersisinnaanermut periarfissat	3
7.	Piffissaq oqallisaaffia aamma akuersissutigineqarnera	3

B. IMMIKKOORTUMI PILERSAARUSIAQ PILLUGU ILEQQOREQQUSAT

§ 1.	Immikkoortumi pilersaarutip siunertaa	4
§ 2.	Killilerneqarnera	4
§ 3.	Atorneqarfissai	4
§ 4.	Aqquserngit, uninngasarfiit aqqutissallu	5
§ 5.	Sanaartorfissat killingi	5
§ 6.	Sanaartorfissat annertussusii inissinneqartarnerilu	5
§ 7.	Sanaartukkat silataanniit isikkui	6
§ 8.	Immikkoortut sanaartorfigineqanngitsut	6
§ 9.	Avatangiisit illersorneqarnerat	6
§ 10.	Kussiortiternerit atortorissaarusersuutillu	7
§ 11.	Akuersissutigineqarnera	7

TITARTARLUGIT ASSILIAT ILANNGUNNEQARTUT

- Titartagaq nr. 1 Immikkoortumi pilersaarusiap titartagartai
Titartagaq nr. 2 Takussutissatut titartakkat

A. IMMikkoortumi PILERSAARUSIAMUT NASSUIAATIT

1. Immikkoortumi pilersaarusionermit siunertat

Immikkoortumi pilersaarusiaq E7-1-mi siunertat:

- a) uuliaarluernernik eqakkanillu akuutissartalinnik tigooraaviliornissamut, eqqakkanik immikkoortiterisarfiornissamut, atoqqitassanut sullissiviliornissamut, avatangiisit pillugit immikkut akuersissuteqarfigineqartariaqartunik sullissiviliornernut aammalu avatangiisinut tunngasunik sullissiviliornernut allanut immikkoortumi pilersaarusionerit tunngavissaannik aalajangersaanissat.
- b) E7-1-imi nunaminertat qanoq atornissaat sanariaatsillu suunissaat aalajangersassallugit, tamatumunnga ilanngullugit immikkoortup ilai sanaartugassanut aalajangersimasunut sanaartorfissanngortissallugit kiisalu illoqarfiup qorsutai nunaginner-taalu sanaartorfissaanngitsut aalajangiiffigissallugit.
- c) sanaartukkat avatangiisinut naleqqussarneqarlutik ilusilersorneqartarnissaat naapertorlugit aalajangersagassanik ilusilersuisarnerit.

2. Aallaqqaasiut tunulequtaalu

E7-1-ip pilersaarusionerqarneranut siunertaapput nunaminertamik massakkut eqqaaveqarnermut atatillugu uuliaarluernernik eqqakanillu akuutissartalinnik tigooraaviliorfissarsinissaq kiisalu atoqqitassanut sullissiviliorfissamik aammalu sullissiviliornertit avatangiisit pillugit immikkut akuersissuteqarfigineqartariaqartut pilersinnissaat (takuuk kapitali 5, suliffeqarfiit).

Immikkoortumut pilersaarusiap matuma akuersissutigineqarneratigut kommuni eqqaavilior-titernermut pilersaarummi piviusunngortinneqarnissaanut ilaatigut nunaminertamik atugas-sarsinnaalissaaq aammalu avatangiisit pillugit inatsisip kapitaliisa 5-nni taaneqartunik alla-tigut suliffeqarfiliortiternernut nunaminertaliisinnaalissalluni.

Immikkoortumi pilersaarutitigut siunertaasarpoq sanaartorfimmi sanaartukkat suussusiisa, inissisimanerisa, portussusiisa ilusilersugaanerisalu ataatsimut isigalugit naleqqussagaal-luurtumik aqunneqarnissaat.

3. Immikkoortumi pilersaarusiaq pilersaarutit sinnerinut naleqqiullugu

Immikkoortumi pilersaarut E7-1 kommunip 1996-imiit 2006-imut pilersaarusiaani nunami-nertamut killiliussap E7-ip iluaniippoq, tassalu kommunip 1996-imiit 2006-imut pilersaar-usiaani nunaminertamik E7-ip A10-llu akornanniittumik ilaneqarnermigut kangimut tapigaa-luni.

E7-imut killiliussap allaaserineqarnerani takuneqarsinnaavoq nunaminertaq taanna avatangiis-it pillugit immikkut akuersissuteqarfigineqarluni suliffeqarfiliorfiusinnaasumiittoq. Tamak-ku tassaasinnapput illut sanaartukkallu eqqaaveqarnermut tunngassuteqartut, soorlu ikual-laavik, eqqakkanik immikkoortiterivik, uuliaarluernernik eqqakkanillu akuutissartalinnik ti-

gooraavik, perlukunik issunngortiterivik aammalu avatangiisinut tunngasunik allanik sulif-
feqarfiit, ledningit aqputaat, aqqusernit aammalu immaqana sanaartukkani taaneqartuni sulis-
sunut inissiat.

Immikkoortumi matumani pilersaarusiame - kommunip pilersaarusiaanut tapiliussakkut -
nunaminertatut killiliussaq allineqarpoq. Killiliussaq pillugu allaaserisat allanngortinneqan-
ngilaq.

4. Immikkoortumut pilersaarutip inatsisitigut sunniutigigallagassai

Immikkoortumut pilersaarusiame siunnersuummut killiliussaq iluani pisortat pilersaarusi-
ornissaminnut periarfissaannut akornusiisinnasunik imaluunniit inaarutaasunik pilersaarusi-
ornissamut akornusiisinnasunik imaluunniit pilersaarusiame inaarutaasunik imarisaanik si-
umoortumik innarliisinnasunik aallartitsisoqarsinnaangilaq.

Piffissaq akerriliffiusinnaasoq naareeraluartoq pissutsit qanoq issusii apeqputaallugit im-
mikkoortumi pilersaarusiame siunnersuummi aalajangersakkat naapertorlugit ingerlatsiso-
qarsinnaanera akuerineqarsinnaavoq.

Inatsisinut akerrilunngitsumik ingerlataareersut ingerlatiinnarneqarsinnaapput.

5. Immikkoortumut pilersaarutip inatsisitigut sunniutai

Immikkoortumi pilersaarusiame akuersissutigineqartup iluani suliamik sumilluunniit pilersaa-
rummi aalajangersakkanut akerrilusunik aallartitsisoqarsinnaangilaq.

Pissutsit qanoq issusii tunngavigalugit allannguutinik annikitsunik akuersisoqartarsinnaavoq.
Annertunerusunilli iliuuseqartoqartinnagu immikkoortumut nutaamik pilersaarusiornissaq
piumasaqaataavoq.

Inatsisinut akerrilunngitsumik ingerlataareersut ingerlatiinnarneqarsinnaapput.

6. Immikkut akuersisinnaanermut periarfissat

Immikkut pisoqartillugu allannguinnissat annikinnerusut kommunalbestyrelsimiit *akuersissu-
tigineqarsinnaapput* pilersaarusiame pingaarnersaa atornissaalu *attorneqanngippata*.

7. Piffissaq oqallisaaffia akuersissutigineqarneralu

Immikkoortumut pilersaarusiame E7-1 januaarip 22-anni 1999-imi siunnersuutitut saqqummi-
unneqarami kommunalbestyrelsimiit akuersissutigineqarpoq.

Immikkoortumut pilersaarusiame E7-1 1999-imi februaarip 15-anniit martsip 29-at ilanngul-
lugu tamanit oqaluserisassanngorlugi saqqumisinneqarpoq. Innuttaasunit uparuaassuteqar-
toqanngilaq. Immikkoortumut pilersaarusiame E7-1 apriliip 14-anni 1999-imi kommunalbe-
styrelsimiit inaarutaasunik akuersissutigineqarpoq.

B. IMMikkoortumut PILERSAARUMMI MALERUAGASSAT

§ 1. Immikkoortumut pilersaarummi siunertaq

- Imm. 1* Immikkoortumut pilersaarummi nunaminertap atugassanngortinneqartup eqqaaveqarnermut, atoqqitassanik sullissinermut kiisalu suliffeqarfinnut immikkut mingut-siterisartunut atorpeqarnissaa immikkoortumut pilersaarutikkut isumannaarneqassaaq.
- Imm. 2* Immikkoortumi E7-1-imi pilersaarutikkut nunaminertamik sanaartoriaatsinillu atuinissat isumannaarneqassapput, taakkununga ilanngullugit sanaartuiffissanik assigimngitsunik pilersitsiniarnerit aalajangersaanerillu kiisalu sanaartuiffimmi qorsutaqartitsiuarnissat.
- Imm. 3* Immikkoortumi pilersaarutip aqutamik ingerlanneqarnissaa avatangiisinullu tulluarsagaanissaa isumannaarneqassapput.

§ 2. Killilerneqarnera

- Imm. 1* Immikkoortumut pilersaarut killilerneqarpoq immikkoortumut pilersaarusiap titartagartaani nr. 1-mi takutinneqartutut.
- Imm. 2* Nunaminertaq pilersaarusiortifiusoq 11,3 ha-tut annertutigisoq Kilaalap Aqquataa naaneraniit Inussuk tikingajallugu titartagaq nr. 1-imi takutinneqartutut inissisimavoq.

§ 3. Atorneqarnissaa

- Imm. 1* Immikkoortumi nunaminertaq eqqagalerinernut, atoqqitassanik sullissinernut, kapitali 5 naapertorlugu suliffeqarfinnut imaluunniit allanut kommuniq naliliinera naapertorlugu avatangiisinut tunngasunut pissusissamisoortumik atorpeqarsinnaavoq. Suliffeqarfiit taaneqartut sulisuminnut nunaminertami pineqartumi inissialiortitersinnaapput.
- Imm. 2* Tamakkunatigut ungasissusissatut aalajangersakkat eqqortinneqarsinnaappata taamaaliornissallu eqqaamiunut akornutaanngippata qinnuteqartoqarneratigut sullissivinnut inissianulluunniit atasunik biilinit isertitsiviliornissat, qangatsiviliornissat, anginngitsunik quiliornissat, qimmit iniliornissat il. il. kommunalbestyrelsip akuersissutigisinnaavai.
- Imm. 3* Assartuutiniq assakaasulinnik oqimaatsunik, angallatinik assigisaannillu uninngatitsinissaq suliffeqarfinnut eqqaamiuusunut akornutaappat imaluunniit nunaminertap avatangiisinut tulluartauneranik allanngortitsippat tamanna kommunalbestyrelsip inerteqqutigisinnaavaa.

§ 4. Aqquserngit, uninngasarfiit aqqutissallu

- Imm. 1* Aqqusineq pingaarneq illoqarfiup immikkoortuani aqqusineramik taaguutilik Ki-laalap Aqqutaanut atassuserneqassaaq nunaminertarlu aqqutigalugu tamatuma eqqaani nunaminertanut pilersaarusiortifigineqartussanut taperneqarsinnaangortinneqassalluni. 1996-imiit 2006-imut kommunip pilersaarusiortnera naapertorlugu aqquserngup kimmut kujammullu talliffissai isumannaarneqassapput. Aqqusineq aqqusiertut pingaarnertut miiterinik arfinilinnik silissusilerlugu suliarineqassaaq. Aqqusineq illugiinnik miiterimik ataatsimik silissusilinnik kussiorneqassaaq.
- Imm. 2* Aqqusineqqat tamaani aqqusinermut pingaarnermut atassuserneqassaput. Aqqusineqqat 4,5 miiterinik silissuseqartitissapput. Aqqusineqqat illugiinnik miiterimik ataatsimik silissusilinnik kussiortiterneqassapput.
- Imm. 3* Miiterinik marlunnik silissusilinnik nutaannik aqqusineqqiortoqarsinnaavoq.
- Imm. 4* Aqquserngit kaajallattarfiillu betoninik asfalterisukkanik qajannaarusersorneqartassapput. Sivinganertat kuserngillu ujaqqanik, kussinernut naqqalianik betonimillu qajannaarusersorneqartassapput.
- Imm. 5* Sanaartorfik atorineqalartinnagu suliffeqarfiit sakkuiunut assakaasulinnut tamarmi-usunut uninngaartarfiliortoqartassaaq.
- Imm. 6* Nunaminertamik akuersissuteqartoqartillugu akuersissuteqarfigineqartunut tamanut aqutaalersussanik aqqusinniortoqartassaaq. Tamakku sumiinnissaat, kussiniliorneqarnissaat qallersorneqarsinnaanerilu kommunip akuersissutigisassarai.

§ 5. Sanaartorfissat killingi

- Imm. 1* Sanaartorfissat killingi illoqarfiup immikkoortuani aqqusernit aqqusineqqallu qeqqiniit miiterinik arfineq-marlunnik ungasissuseqartassapput.
- Imm. 2* Nunaminertat sanaartorfiup killingata aqqusernullu sinaata akornanniittut atortorisarusersuutitut atorineqartassapput (uninngaartarfinnut, kusernerneq il. il.) sanaartorfigineqartussaanaatillu.

§ 6. Sanaartukkat annertussusii inissinneqartarnerilu

- Imm. 1* Sanaartukkat immikkoortumi pilersaarusiap titartagartaani aalajangersakkat naapertorlugit suliarineqartassapput.
- Imm. 2* Sanaartukkat nunap qaaniit miiterinik arfineq-pingasunit qatsinnerusassanngillat. Taamaattorli nunap ilusiata tamanna pissusissamisuulersippagu naqqup atissaa aamma iluaqutiginiarneqartarsinnaavoq.
- Imm. 3* Sanaartukkat tunngavii pisariaqanngitsumik portusuuliarineqartassanngillat. Tunngaviit takussaasut betoninik sanaat portunerpaamik miiterimik ataatsimik portussuseqartassapput. Tunngaviit portunerusariaqarpata portunerussutaat silataaniit sa-

naartukkat sinneratut qallersorneqartassapput.

§ 7. Sanaartukkat silataanniit isikkui

Imm. 1 Sanaartukkat ilusilersorluagaasassapput avatangiisiminnullu naleqqussagaasassallutik.

Imm. 2 Qalipaait, atortussat ilusissallu tamarmik ataasiakkaarlutik kiisalu pinerit tamaasa atortorissaarusersornermut ataatsimiititaliamit akuersissutigineqartassapput.

Imm. 3 Tamatigut kommunalbestyrelsi akuersereeraangat aatsaat allagartarsualiisoqartarsinnaallunilu usassaarusiisoqartarsinnaavoq.

§ 8. Immikkoortut sanaartorfigineqanngitsut

Imm. 1 Sanaartorfimmi masak kussinernut kuuttarsinnaaqullugu nunaminertarlu saligaatsooqqullugu sanaartukkat akornanni nunaminertat naammaginantumik iluarsanneqarsimassapput.

Imm. 2 Sanaartukkamik piginnittoq pisussaavoq sanaartorfiup eqqaata sanaartorfigineqanngitsup eqqiluitsuutinnissaanut. Inissaq tamatuma avatinnuaniittoq suliffeqarfiup siunertaanut naapertuutinngitsunik inissiivigineqartassanngilaq taamaaliortoqassappallu ungalunerneqarsimassalluni.

Imm. 3 Nunaminertat sanaartorfigineqanngitsut naasoqarneri imaluunniit qaavi sanaartornermit allatulluunniit sullivigineqarnermikkut aserorneqarsimasut naasoqalerseqqinneqarlutillu iluarsartuuteqqinneqartassapput.

Imm. 4 Nunap pissusia aserorterneqartassanngilaq. Immikkut akuersissuteqartoqartinnagu qaartiterisoqarnanilu ujaqqanik nuussisoqartassanngilaq.

Imm. 5 Nunaminertat sanaartorfigineqanngitsut eqqiluitsuutinneqassapput takujuminartuutinneqassallutillu.

§ 9. Avatangiisit illersorneqarnerat

Imm. 1 Avatangiisit pillugit aalajangersakkat atuuttut malinneqassapput.


§ 10. Kussiornerit atortorissaarusersuutillu


Imm. 1 Sanaartukkat tamarmik eqqakkat kuuffiinut nunaminertami pineqartumiittunut atasuserneqassapput. Kuuffiit sanaartorfinni tamakkunaniittut sapinngisamik aqqusernit aqqusineeqqallu sinaanni inissinneqartassapput.

Imm. 2 Erngup aqqusiornerit, eqqakkanut kuuffiliornerit, ungasissumiit kiassarnermut aqqutiliat, nalunaarasuartaatinut sarfamullu ledningit aqqusernit aqqusineqqallu si-naanni inissinneqartassapput.


§ 11. Akuersissutigineqarnera


Illoqarfiup immikkoortuani pilersaarussiaq E7-1 kommunalbestyrelsimit siunnersuutitut ja-nuaarip 22-anni 1999-imi akuersissutigineqarpoq.



Henrik Lund
borgmesteri


Leif Ellebæk Motzfeldt
kommunaldirektøri


Immikkoortumut pilersaarussiaq E7-1 apriliip 14-anni 1999-imi kommunalbestyrelsimit inaa-rutaasumik akuersissutigineqarpoq.


Henrik Lund
borgmesteri


Leif Ellebæk Motzfeldt
kommunaldirektøri



LOKALPLAN	
E7-1	AFFALDS- OG GENBRUGSVIRKSOMHED OG ANDRE SÆRLIG FORURENENDE VIRKSOMHED
Målstok 1:2000	Lokalplankort
	1 KORT NR.



LOKALPLAN
E7-1

AFFALDS- OG GENBRUGSVIRKSOMHED OG ANDRE SÆRLIG FORURENENDE VIRKSOMHED

Målstok
1:2000

Illustrationsplan

2
KORT NR.